



Nuuk ulloq 21. februaari - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqudit imaattut matumuuna saqqummiuppakka:

Naalackersuisunut apeqqudit:

- 1. Konto pingaarnermut 84.40.15-mut aningaasaliissutissatut illuartinneqarsimasunu tunngatillugu suliariumannittuussisarneq qanoq sivistigisarpa eqqarsaatigalugit Nuummi, Aasianni, Qaqortumi, Sisimiuni Ilulissanilu kollegialortiternissat kiisalu Paamiut kollegiat pioreersut iluarsaannissaat eqqarsaatigalugu?**
- 2. Naatsorsuutigisinnaavarput konto pingaarnermi 84.40.15-mi aningaasat immikkoortinneqarsimasut atorlugit sanaartornissat iluarsaassinissallu pilersaarusiorneqareersimasut aallartinneqarnissaat? Taamaassimappat sanaartornerit aallartinnissaasa qulakkeernissaasa tungaanut piffissaq qanoq sivistigisoq ingerlaqqaassava? Taamaattoqarsimangippat sanaartornerit aallartinnissaasa qulakkeersinnaannginnerat sumik pissuteqarpa?**
- 3. Naalackersuisut isumaqarpat siunertaqartoq ukiup aningaasaliiffiusup aallartinnerani 71 mio. koruunit atorneqarsimanginnerat pissutaalluni pilersaarusiortoqarsimanginnera naak illoqarfinni ilinniartusuni kolligiani inissaqannginneq pissutaasaraluartoq ilinniartorpassuit aallartinnissaannginnerannut, ingerlaqqissinnaannginnerannut imaluunniit ilinniakkaminnik naammassinnissinnaannginnerannut?**
- 4. Aningaasat atorneqarnissaat qulakkeerumallugu immikkoortumut pilersaaruserit qaqugu naammassissussatut Naalackersuisut naatsorsuutigaat taamaasilluni kollegiani inissat piareersinnaaqullugit? Suliap tamatumap naammassineqarnissaa qaqugu pisussatut Naalackersuisut naatsorsuutigaat? Tusagassiutini upernaq tusarparput, immikkoortumut pilersaarut novemberimi naammassineqassamaarpaluttoq. Neriorsuut tamanna sumut killippa?**
- 5. Suliamut tunngasunik allanik soqutiginaatilinnik naalackersuisut paasissutissiisnaappat? (Inatsisartut ilaasorta, Tillie Martinussen, Suleqatigiissitsut)**

Tunngavilersuut:

Amerlaqaat ilinniarnerminnik unitsitsiinnartariaqartut, aallartinnissaminnik unitsitsiinnartartut imaluunniit ilinniarnerminnik imaluunniit ilinniarnermik ilaanik kinguartitsisariaqartartut, kollegiani inissaminnik tunineqarsinnaannginnertik pissutigalugu. Ajornartorsiut tamanna qangali ilisimaneqarpoq, kisianni Suleqatigiissitsisuni paasivarput kollegianik pisariaqartinneqaraluaqisunik sanaartornissaq kinguartikulaneqartoq.

Aamma peqataanik paasivarput pilersaarutit pingaarutillit arlallit ukiumiit ukiumut nuunneqartarsimasut nassuaatigineqartarluni; Aningaasanut Inatsimmi "qanganitssami" angumerineqarsinnaasimangitsut, taamaattumillu pilersaarutit ukiup tullianut nuunneqartariaqarsimasut.

Sanaartornerillu aallartinneqanngitsoorlutik.

Assorsuaq tamanna eqqumiigaarput, taamaattumik Naalackersuisunut arlalinnik apeqquteqarpugut.

Pingaaruteqarpoq misissussallugu suut aporfiit piussutigalugit sanaartornerit aallartingitsoorneqartarsimanersut.

Nuummi kollegiani katillugit inissat 218-nik, Aasianni 32-t, Ilulissani 70-t Sisimiuni 72-t, Qaqortumilu 74-t 2019-mut Aningaasanut Inatsimmeereput.

Malunnarporlu pineqartut 2018-miit 2019-mut nuuginarneqarsimasut.



SULEQATIGIISITSISUT
SAMARBEJDSPARTIET

Inissat taakku pisariaqartinneqartorujussuupput; ilinniartunit. Illoqarfinni kollegialiorfigineqartariaqaraluartuni kollegialiornissamut aningaasaliissuterpasuit atorneqanngitsoorlutik uninngaannarput, taakkumi atorlugit ilinniartut ilinniarnermi inissaqarsinnaanissaat qularnaarneqartussaagalarpoq.

Ajornartorsiut ilisimanngikkallartillugu siammerterinissaq isumagineqarsinnaanngilaq. Naapertuilluarnernunngitsutut isumaqarfiginarpoq timmisartoqarfiliassat pilersaarusiorneqarsimammata ungataaneersunik sulisulersornissaq isumalluutigalugu taamatullu nunatsinneersunik, taamaattorli kollegialiorfiginernit eqqarsaatigalugit assigusumik periuseqartoqarumanani. Aamma tusassallugu soqutiginarpoq kollegianut pisariaqartinneqaraluartunut aningaasaliissutit atunngitsuukkat Naalakkersuisut qanoq isumaqarfigineraat kiisalu taakku pisariaqartinneqartut sanaartorneqalernissaat qanoq qularnaarneqarsinnaanersoq.

Aningaasanut Inatsimmi aningaasat atorneqanngitsoortut, illuliassatut pilersaarutigineqareersunut atugassiissutit ilanngitereerlugit ikittuinnaanngillat.

Aningaasanut Inatsit atuaqqissaaraanni ilaatigut allassimavoq naliginnaasumik sanaartornermi ineriartortitsisoqarsimasoq kollegianut atugassanik taamaattut sukkasuumik piviusunngortikkumallugit. Kisianni utaqqisaajuarallarput. Paasissallugu souqutigaarput qanoq tamanna pisinnaanersoq, inissat pisariaqartinneqaqimmata.

Ilinniartut ilaasa nammineq inissarsinissartik isumagisassajunnarsivaat. Kisianni soorlu nutaamik illuliornermi akit qaffakkiartorput nunami sulisussaaleqineq pissutaalluni - qularnanngilarlu tamatumap akit suli qaffatsinnerujumaarai - taamatullu aamma illoqarfiit ilaanni inissianut naliginnaasumik attartortittakkanut utaqqisarneq sivisoorujussuuvoq, taamaattumi, SU-qarluni sunngiffimmilu sulisarluni nammineq inissarsinissamut periarfissat annerpaajunngillat. Taamaattumik sumiiffiit ilaanni tamanna aamma ilinnialersartut ikerinnakkut uniinnartarnerannut pissutaqataassaqqooqaaq.

Apeqqutit akeqquneqarput ullut qulit iluanni.

Tillie Martinussen
Samarbejdspartiet - Suleqatigiissitsisut